



Broj: T18 0 KTK 0013491 24

Datum 22.07.2025. godine

Optužnica potvrđena dana 05.08.2025. godine

Na osnovu člana 35 stav (2) tačka i) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

Ž. M., rođen 1961. godine u Brčkom,

Što je:

U periodu od 01.01.2015. do 31.05.2017. godine u Brčkom, obavljajući poslove predsjednika Udruženja građana „Književni klub“ Brčko distrikt BiH, postupajući u svojstvu lica ovlaštenog za raspolaganje novčanim sredstvima udruženja, nakon što je, na ime grantova isplaćenih od strane Brčko distrikta BiH za redovan rad udruženja, tokom 2015. godine na račun istog uplaćen novčani iznos od ukupno 57.558,40 KM, a tokom 2016. godine novčani iznos od ukupno 56.435,00 KM, iskoristio ta svoja ovlaštenja, tako što je sa transakcijskog računa udruženja otvorenog u „UniCredit Bank“ d.d. Mostar, filijala Brčko, broj 3383..... u više navrata podizao novčana sredstva u ukupnom iznosu od 52.289,34 KM i protivpravno ih prisvojio, a njihov utrošak pravdao izrađivanjem neistinitih ugovora o djelu u kojima je lažno navedeno da je više fizičkih lica, među kojima je i on sam, za potrebe „Književnog kluba“ obavljalo rad po osnovu ugovora o djelu i za to naplaćivalo određene novčane iznose, svjestan da tim licima nisu isplaćena nikakva novčana naknada, već samo njemu i da prisvajanjem tih sredstava pribavlja sebi imovinsku korist, što je i htio, a zatim je te ugovore priložio Odjeljenju za privredni razvoj, sport i kulturu Vlade Brčko distrikta BiH kao opravdanje za podignuta novčana sredstva koja je neovlašteno prisvojio, a koja su dodijeljena Udruženju građana „Književni klub“ Brčko distrikt BiH, čime je za sebe pribavio protivpravnu imovinsku korist u iznosu od 52.289,34 KM, za koji iznos je oštetio Brčko distrikt BiH,

dakle, kao službeno lice u Brčko distriktu BiH, iskorištavanjem svog službenog položaja, pribavio sebi imovinsku korist koja prelazi 50.000,00 KM,

čime je počinio krivično djelo Zloupotreba položaja ili ovlaštenja iz člana 377. stav 3. u vezi sa stavom 1. Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
